

宋仿印
本
黃山谷內集

山谷詩集注卷第十五

戲簡朱公武劉邦直田子平五首

不趨吏部曹中版且鱸高沙湖裏魚

山谷辭吏

部郎之命故不持手版以趨省曹渚宮舊事曰王琳為鮠表以刺時有曰高沙老母

非有意於綺羅白鮪女兒豈期心於珠翠注云江陵西二十里有高沙湖其中多魚

雖無季子六國印要讀田郎萬卷書

史記蘇秦

傳秦過雒陽其嫂謝曰見季子位高金多也秦喟然嘆曰使我有雒陽負郭田二頃

吾豈能佩六國相印乎譙周注云秦字季子三輔決錄注曰田鳳為尚書郎容儀端

正靈帝目送之回題柱曰堂堂乎張京兆田郎此借用以屬子平

歡伯可解藜藿嘲孔方定非金石交

歡伯藜藿

皆見上注漢書楊雄有解嘲此借用晉書魯褒錢神論曰親之如兄字曰孔方金石

交亦見上注君看劉郎最多智昨者火事幾焚

巢言禍患之來非智慮所及况貧富有定數安可以智力求之耶劉郎謂邦直劉

禹錫詩曰前度劉郎今又來此借用魏志武帝紀注魏書曰曹公非有四目兩口但

多智耳維摩經曰火事如故而為害易旅卦之上九鳥焚其巢旅人先笑後號咷

劉郎好詩又能文方我奔竄義甚敦奔竄謂赴

黔中時取道荆南此詩蓋追記往事也文選曹子建詩曰親交義在敦○退之江漢

荅孟郊詩云嗟我與夫子此義每所敦為親未葬走人門閉

門却掃不足論

此為親之故未免俯仰世間

可也文選江文通恨賦曰至乃敬通見抵

罷歸田里閉關却掃塞門不仕李善注引

司馬彪續漢書曰趙壹

閉門却掃非德不交

朱家墳簷好兄弟陋巷六經葵莧秋

伯氏

吹墳仲氏吹簷

我卜荊州三畝宅讀田家書從之

游楚辭屈原卜居篇東坡詩勸我試尋

甫畫像詩云願起公死從之游按文選沈

休文詩所願從之游寸心於此足○退之

送諸葛覺詩云今子

從之游學問得所欲

朱公趨朝瘦至骨歸來豪健踞胡床日看

省曹閤者面何如田家侍兒粧

列子曰子貢七日不

食以至骨立晉書桓伊傳下車踞胡床作三調○田家侍兒蓋紀實事見下卷水仙

花注

次韻益修四弟

黃友益字益修侍御史昭之第三子

也

霜晚菊未花節物亦可嘉

文選陸士衡擬古詩踟躕感節

物我行欣欣登高侶畏雨占暮霞

山谷自注諺云

朝霞不出門暮霞行千里○漢書登高飲楚能賦可爲大夫○費長房九日登高飲楚

人醞菘豆輕碧自相誇

山谷時在荊州荆州即楚地故後詩

有渚宮之句○謂以菰豆為麴而釀酒也其色青碧今人謂之竹光酒云老夫

不舉酒嚙嗽鳴兩車黃庭經曰口為玉池太和官嗽咽靈液灾

不干兩車謂頰車也左傳曰輔車相依良辰與美景客至但

成嗟文選謝靈運擬魏太子鄴中集詩序曰天下良辰美景賞心樂事四者難

并淵明九日閑居詩序云余閑居愛重九之名秋菊盈園而持醪糜由空服九華寄

懷於言

以峽州酒遺益修復繼前韻

令節不把酒新詩徒拜嘉退之聽彈琴詩序曰肇置三令

節詔群有司飲酒以樂按舊唐書貞元四年詔正月晦日三月三日九月三日三節

日任百寮追賞為樂退之詩把
酒對南山左傳曰敢不拜嘉
頗憶宋玉

賦登高氣成霞
宋玉有登高神女賦漢書藝文志曰登高能賦可以

為大夫氣成霞言文章之氣蔚然如此荆
州蓋楚地而宋玉楚人故因九日登高遂

及此事曹子建七啓曰慷慨則氣
成虹蜺蜀都賦曰舒丹氣而為霞渚宮但

衰柳朝雲為誰誇
杜佑通典曰江陵縣有楚渚宮朝雲見宋玉高

唐賦已具
上注云
吾宗懷古恨流涎過麴車一壺

澆往事聊送解愁嗟
解一作耐○李邕詩吾宗固神秀東京賦

曰望先帝之舊墟慨長思而懷古
曰道逢麴車口流涎又詩吟詩解歎嗟謝

靈運詩三
江事多往

謝益修四弟送石屏

石似滄江落日明
鷓鴣鳥鵲滿沙汀
小兒

骨相能文字
乞與斑斑作硯屏

文選任彦昇詩滄江

路窮此老杜詩山頭落日半輪明又詩鷓鴣西日照曬翅滿魚梁嘗見山谷在荊州與檀乾禮帖乞硯山欲與同惜試醉旦云同惜知命幼子小字也此詩所指豈此郎耶骨相見上注

戲荅王觀復酴醾菊二首

誰將陶令黃金菊
幻作酴醾白玉花
小草

真成有風味
東園添我老生涯

小草見上注

呂園未肯輕沽我且寄田家砌下栽它日

秋花媚重九清香知自故人來

山谷在荆州與歐陽

元老帖曰城東呂氏園竹木已老又寬敞有經行之地甚欲得之然託人往問語輒再三難共語也又有與人帖云檀敦禮惠蘭數本皆畦畦成叢但不花耳方送田子平家令植之魯論曰求善賈而沽諸注云沽賣也

戲荅王子予送凌風菊二首

病來孤負鷓鴣杓禪板蒲團入眼中

太白詩鷓鴣

鷓鴣杓鷓鴣杯傳燈錄龍牙禪師傳師在翠微時問如何是祖師意翠微曰與我過禪

板來師遂過禪板翠微接得便打又問臨濟如何是祖師意臨濟曰與我過蒲團來

師遂過蒲團臨濟接得便打浪說閑居愛

老杜詩江村野堂爭入眼

重九黃花應笑白頭翁

陶淵明九日閑居詩序曰余閑居愛

重九之名秋菊盈園而持醪靡由空服九華寄懷於言○下句大似東坡詩人老簪

花不自羞花應羞上老人頭之意

王郎頗病金瓢酒不耐寒花晚更芳瘦盡

腰圍怯風景故來歸我一枝香

晉書王導傳周顗曰

風景不殊舉目有江河之異春秋書鄭伯使死來歸柩又書齊人歸我濟西田

謝王子予送橄欖

方懷味諫軒中果忽見金盤橄欖來

元注云戎

州蔡次律家軒外有餘甘余名之曰味諫

傳以金拌貯檳榔一斛橄欖見下想共餘甘有瓜葛苦中

真味晚方回

陳藏器本草曰菴摩勒人食其子先苦後甘故曰餘甘晉

書王悅傳導之子也導與弈碁爭道笑曰相與有瓜葛那得為爾耶歐公詩曰又如食橄欖真味久愈在東坡橄欖詩云待得微甘回齒頰已輸崖蜜十分甜

以椰子小冠送子予

漿成乳酒醺人醉肉截鵝肪上客盤有核

如匏可雕琢道裝宜作玉人冠

交州記曰椰子中有

漿飲之得醉圖經本草曰椰子出嶺南州郡實大如瓠殼圓而堅裏有膚至白如猪

肪厚半寸許味亦似胡桃膚裏有漿如乳
飲之冷而氣醺老杜詩山瓶乳酒下青雲
退之詩鵝
肪截珮璜

呈楊康國

君家秋實羅浮種已作累累半拂牆莫遣

兒童酸打盡要看霜後十分黃

唐盧氏雜說云唐玄

宗德宗僖宗幸蜀年浙西奏羅浮山柑子
皆不結子此甚異也按太湖中亦有羅浮
山魏志邢顗傳劉楨諫曹植書曰將謂君
侯采庶子之春華忘家丞之秋實按韓詩
外傳曰秋得食其實老杜
詩云兒童莫信打慈鴉

又戲呈康國

整冠行客莫先嘗
楊子家無數
仞牆假借

肅霜令弄色
勾添寒日與爭黃

古樂府曰君子防未

然不處嫌疑間瓜田不納履李下不整冠
幽詩曰九月肅霜老杜詩柳條弄色不忍

見勾添蓋黃
冶家語云

次韻馬荊州

馬城字中玉

六年絕域夢刀頭
判得南還萬事休

山谷謫黔

戎九六年漢書耿育上書訟陳湯曰計絕
域不羈之君古樂府云何當大刀頭破鏡
飛上天吳兢題解云刀頭有環問何時當
還也夢刀頭借用王濬夢三刀事柳子厚
詩云一生判却歸休謂着南冠到誰謂石
頭劉禹錫詩黃髮相看萬事休

渠劉校尉來依絳帳馬荊州

漢書劉向傳

石渠元帝時廢十餘年成帝以向爲中壘校尉山谷自館閣遷貶故用以自況後漢

書馬融傳曰相帝時爲南郡太守又曰常坐高堂施絳帳前授生徒後列女樂按南

郡即今

霜髭雪鬢共看鏡茱糝菊英同送

秋它日江梅臘前破還從天際望歸舟

杜老

有江梅詩梅蘂臘前破梅花年後多謝朓詩雲中辨江樹天際識歸舟中玉維揚人

官當滿明年之冬道出當塗於時山谷已赴太平州矣故有望歸舟之語山谷紹聖

初跋関中雪景圖曰維揚馬中玉觀於上藍寺

和中玉使君晚秋開天寧節道場

江南江北盡雲沙車騎東來風旆斜倒影

樓臺開紫府得霜籬落賸黃花

文選謝靈運詩江南

倦歷覽江北曠周旋漢書司馬相如傳曰時從車騎雍容閑雅倒影見上注退之詩

青春白日映樓臺荆南有紫府觀抱朴子曰項曼卿自言到天上過紫府金牀几晃

晃昱昱樂府盧思道神仙篇曰雲軒游紫府風駟立丹梯禮記月令季秋之月鞠有

黃華淵明詩采菊東籬下抱朴子曰葛洪籬落頓缺釣溪築野收多

士航海梯山共一家

尚書中候曰呂望即磻溪水釣其涯得玉

璜書曰說築傳巖之野詩曰濟濟多士後漢書梯山棧谷望風弭從文選顏延年曲

水詩序曰棧山航海踰沙軼幕之貢禮記曰聖人耐以天下為一家想見星

壇祝堯壽步虛聲裏靜無譁

孟郊詩因怪星宿壇按南

斗經曰修設兩極二斗同醺一壇各象斗星莊子曰堯觀乎華封華封人曰嘻聖人

請祝聖人使聖人壽本事詩許渾詩曰天風吹下步虛聲按吳兢樂府題解曰步虛

詞道觀所唱備言衆仙縹緲輕舉之美書曰嗟人無譁

入窮巷謁李材叟翹叟戲贈兼簡

田子平三首

紫冠黃鈿網絲窠蝶繞蜂圍柰晚何

元注云紫

冠雞冠金鈿黃菊集韻云鈿金花飾也音田又音電退之城南聯句云絲窠掃還成

二叟家居如避世開門自少俗人過

之用退之竹

洞詩
意

只可關中安止止誰能鐵裏闢錚錚田多

穀少無人會匹似無田過一生

莊子曰瞻彼關者虛

室生白吉祥止止後漢書劉盆子傳徐宣等叩頭曰今日得降猶去虎口歸慈母光

武曰卿所謂鐵中錚錚傭中佼佼者也北夢瑣言馮藻應二十五舉姻親勸令罷舉

求官藻曰譬如一生無成更應五舉樂天詩匹如元是九江人

田郎杞菊荒三徑文字時追二叟游萬卷

藏書多未見老夫端擬乞荊州

陸龜蒙有杞菊賦田

子平荆南人其家多書未見書具上注南史王僧孺聚書至三萬卷